

581.

847.8
5014



詩經
金車

津市
未立
圖書
館章

天津
市立
圖書館
藏

光緒七年
三月開雕

耐俗軒詩鈔序

夏君範卿宰永年編錄中敬
立先生詩使予門人胡景桂校而
刊之既成屬予為之序是集之
得失與編錄校刊之原始範卿
既詳識矣予讀集中諸詩迭

覺則識解雋感物則體察精
遣意則寄托遠大鵬鳳凰兩詠
則節概超紀殷仲泓送路徽五
諸詩則未揚忠孝里更深焉詩
以人存即以詩論亦不朽之作也郡

邑之中必有一二世家以存文獻



而維風教以永年之申與柏鄉
之魏籍飯兩朝族生甲於鄉里
而節義文章彪炳先後徵南
學者皆仰景行焉申氏自端
慤以下詩文集及所著書採入
四庫者甚衆閱時已久或佚不
傳先生詩有云里巷通悲歌後
先德蕭索此固消長之理之常
而故家遺俗流風餘韻之存不
官師所宜加意者範仰之甄錄
是集其屬生於申氏國以及邑

人之觀感用意固良篤哉光緒

七年八月朔日貴筑黃彭年序



耐俗軒詩鈔卷一

永年申頌敬立著

江陰夏詒鈺編錄

大鵬詠

阮宣子大鵬贊李太白陋之因作大鵬賦一篇以示宏達余以爲莊生之奇能造大鵬而斥鷃竊笑意旨已陋蠓生甕中不可語天蜉蝣旦暮不可語歲彼斥鷃之倫籬籬自足正以聞見不出籬籬外耳亦烏知有垂雲之翼扶搖九萬而竊竊然笑其大哉太白仍襲其旨狂士然乎至云獵釣之徒投竿失矰仰之長吁摹擬如此抑更陋矣夫智超天地之外始可談天身出萬物之上始可觀物余欲身跨鵬背驅策如馬盡逍遙之懷極宏達之觀此一作也可謂誕於莊生狂於太白崎嶇歷落可笑

人也

蒙莊賦逍遙北溟生胸臆奇氣化爲鵬扶遙渺入極寰中
小世界誰觀垂雲翼我欲乘其背不使六月息迴翔與天
處俯仰周萬億戲擲一羽墜盡屈人問力庶幾服愚頑永
絕戈與弋氣噓陰陽轉雨暘無愆忒翅簸山海平天下無
傾仄兩爪握雙曜歲序無催逼我乃驅之游逍遙玩物色
浩蕩無古今會何辨畛域

鳳凰詠

偶閱類函載歷代詠鳳詩十餘家大都描形寫態
無殊凡鳥遣懷寄興不遠恒情若刪去梧桐竹實
阿閣來儀等字幾於不識爲鳳余甚惑焉因擬此
篇非敢與古人抵牾也麀鳳比德至聖自不可託
志卑瑣耳

鳳凰不出世徘徊念九州必逢舜與文始肯一來游寥寥
三代後無足當其求抱瑞層霄上下憫江河流孔子老刪
述麒麟掩荒邱何關鳳德衰祇爲天地憂

箕亭坐月

耐俗軒詩鈔

卷一

二

月滿沙溪白流光搖竹樹遙遙晚鐘鳴聲落幽吟處尙有
耦耕人煙中聞笑語

鄭子勉胡遜谷兩先生路徵吾姑丈晚酌小園

秋氣靜游氛頽陽下山隅一綫漏疎林明我林中禱雖無
滿座客一二皆名儒比閭相往還豁達高義舒摘棗充盤
餽開樽當前除涼颺起林竹暝色歸巢烏微飲不及醉短
歌聊相娛仰視遠天光瑩瑩月照裾

初冬過胡遜谷先生

三月不過君恍如隔三歲扣門手自開延入門還閉木葉
黃未脫簷鳥鳴初霽君齒何時壑握手驚欲涕薄俗失英

賢蹤蹬成衰敵入山苦未能豈免塵緣繫新穀獲幾何長
孫就傳未餽粥尙不充逋負債何計老境雖日艱新詩法
愈細伏几兩悠然茶煙起竹際

西巖小築落成怪郡中知交不至

孤村隱長堤高下居人住淦水走其傍蒹葭侵微路塔影
下中流窈窕遠帆渡宛在巖之阿棲隱此其處曲折引柴
扉開軒就古樹經營半載間取足稱雅素登高亦有臺蒔
蔬亦有圃移來花果栽一一甍霖雨開襟對圖書高枕隨
寐寤籬根逼稻田窓陰宿鷗鷺隣翁覺此幽農暇時來顧
科跣快晚風譚笑恣達步逍遙眺郡城蒼蒼但烟霧笑問
耐俗軒詩鈔 卷一

三

塵中客何不一來晤

甯公元著諸先生過我西巖

城郭多愆尤屏跡西巖里躬耕有薄田田夫足役使遠峰
當戶牖圖書羅素几衣食無外營餘糧到雞豕晨興暑氣
清蟬聲聒吾耳荷鋤往東皋草露沾芒屨遙田白雲流日
色散沙壘忽聞車馬聲漸入垂楊裏光輝滿路衢近村喧
稚子將謂適誰門乃至吾廬止置鋤且歸來一笑盡知己
相思勞魂夢握手有餘喜入門各脫帽茶甌手自理小童
溪上回荷葉裹鮮鯉烹鯉佐午餐沽酒向遠市箕踞羣賢
中疏頑真無似雜亂語言多終不及臧否西山薄暮霞照

我輩籬紫望遠登長隄蒼茫見城雉君輩各有營豈能久
留此蓮花折相贈持歸嗅其藥僕夫整車待馬嘶相顧起
欲去更徘徊似念巢居士繚繞隔疏林猶復屢回視羣鳥
噪荒林孤煙生溢水幽獨還復然柴門自徙倚

紀殷仲泓事四十韻

雞澤有諸生殷淵字仲泓其父鎮興安是爲大陸公

名大白字

大陸關南道御史

戰守兼惠養頗足慰兵凶嗣昌出視師剝削以

自豐三日軍無食群怒集貪□借公滅衆口竟以軍法從
淵乃大悲憤叩闕瀆宸聰帝怒撓軍機欲誅憐幼冲赦歸
益自奮誓洞仇人胸乃與其兄岳晦跡混樵農及聞嗣昌
耐谷軒詩鈔卷一四

死瞋目叱蒼穹賊不膏吾刃沒齒恨難終淵力猛如虎淵
才矯如龍痛父復懷國恨世無英雄破產集義勇移檄會
諸戎當時稱大帥麟玉荷恩隆養賊以自固愚怯羞兒童
遂使失天險長驅太行東腥氣徧畿輔千里烟氣紅聞有
鼎湖泣奮袂思遺弓揮岳將母去避亂獅子峰淵乃倡大
義哭廟會巽宮遂此擒僞官闖賊之官鼓進討元寇有犬哭牽
衣長嚎淒以恫淵時亦心動衆志何怒怒是時肘腋間咸
與賊衆逼當淵哭廟時賊騎已環攻從人皆奔散隻身櫻
其鋒雙鐔縱莫當斬刈如蒿蓬苦戰無聲援圍合復數重
仰呼天亡我誰收再造功身被十餘創日昏歎力窮遂爲

賊所獲棄屍泮池中犬乃逐烏鳶僵死衛其躬亂定收遺骸兼爲義犬封余每聞岳言慷慨仰英風求死孝不得乃竟死以忠捐軀在布衣姓字誰見崇美新徒有揚長樂徒有馮請看義士犬能不慚儀容

雨後登郡城南樓

端居忽不樂起登城南樓高敞縱人志恍欲凌虛游是時
雨初晴萬象含清幽雲日互出没雷聲轉遙邛溼田滿霽
色蒸氣如烟流此中清泰久城郭居人周開窗萬戶入市
聲喧不休獨立四眺望盡無朋傳天風吹我衣穆然如
高秋浩蕩忽興感黃梁事有不高呼馬服君明滅山峰稠

耐俗軒詩鈔

卷一

五

趙奢冢在紫山頂故又名馬服山

侘祭欄干熱抗懷延冥搜窈窕長隄外

溪光樹杪浮指顧毛遂冢縱橫亂禾疇惜哉君自薦足爲
好士羞脫穎聊一試壯懷豈盡酬重泉不可作風俗日淪
媮回薄有餘恨英魂激暮愁念茲千載人頗盡身世由俯
仰忘機括極目天悠悠

小園社集限借字十韻

幽居頗自適况與君輩偕有時各歸家旦夕亦苦乖閒暇
輒相聚共飲小園佳繞籬竹樹稠好鳥鳴空階飲饌隨時
具科跣共一齋翻書晰疑義譚論間詼諧貧賤何足言丈
夫事無涯莫論老與少但須同好懷肉食古所鄙名高爲

眾排獨此疏散意可以善形骸

永年八景

十里荷花

吾永在畿南僻小遠衝衢雖無多名勝水花近可娛淫水
西南來引注城東隅是名爲老灘瀾漫儼大湖由灘四分
布繚繞滙城渠渠濶十二丈周環十里餘垂楊夾岸濃桃
李相扶疎春雨添綠波紫笋折新蘆夏秋芙蓉開爛熳錦
霞鋪隔城聞馥馥出城踐香蒲沿渠步細堰一綫徑盤紆
回合城門橋車馬香中趨蒼蒼曠無際蒹葭滿郊郭水鳥
不避人飛鳴繞衣裾行行聞巷犬依依負郭居網晒日氣

耐俗軒詩鈔

卷一

六

腥菱芡侵比閭砧喧浣女伴孳生鵝鴨雛團團水雲中風
光四面俱南臨準提菴敞豁好規模西郭桃花館笙歌羅
艷姝迤邐北城陰臺閣枕空虛詩題滿素壁蟬聯遇高車
桔槔數畝園逸人東郭廬

張覆輿
先生居

曲折遊難
遍選勝各分

徒帘亭隨處有壺乾酒易沽徙倚拂花露碧筒代盃盃探
泥起雪藕引釣上金魚漠漠長林外大堤雲縹糊團抱如
崇岡厯落辨村墟遙眺遠山嵐明滅時有無風迴荷氣遠
日落溪光殊霧靄擁城起投棲亂鳥呼朦朧見戍樓殘霞
耀鉛朱恍如滄海上蜃氣幻須臾暝色扶醉歸惆悵隔闌

千畦稻浦

永年水有三溢洛及衡漳洛水旱易溜山雨輒汪洋漳水
不受渠遷徙難隄防高岸匯成谷深谷壅成岡二水所經
行百里累租糧仁哉此溢水安流順橋梁發源神麇山達
漕助運航來往通舟楫貿易便農商網釣魚鰕肥利用蘆
蒲長隔堤引溜入週環衛城隍餘分漑稻浦水聲百頃涼
芊芊秧稻齊風動碧浪浪菱荷相雜生逐處散芬芳浸潤
夏秋閒亢旱不爲殃烟中聞欸乃近人鷗鷺翔曲折踏青
泥衣履沐幽光日照林霧開雞犬鳴村莊門各橫板橋澆
女閒垂楊迤邐雲水秀宛在江南鄉夙聞溢兩岸斥鹵乏
耐俗軒詩鈔卷一

七

耕桑維明嘉靖中高侯

名汝行太原人

始開荒建閘隨地勢指掌

授圖良遂令不毛地永爲魚米塲霞散紅鮮美匙翻玉粒
香隣封相則倣侯實爲首倡始知賢郡守不獨善一方里
人嚴祠廟紀德溢水傍至今秋菽熟未薦不敢嘗水流日

湯湯厥功何時忘

奎閣凌雲

郡城東南隅奎閣逼蒼穹八牕洞然開豁達駕長風萬象
低履烏枝撐搖心胸駭惑見龍象怒立當虛空豈有文明
司而同魍魅容荒唐自古昔相沿誰能攻地近屢瞻眺縱
目四極通行山氣常紫漳溢流淙淙遙映借文輝晝夜現

晴虹皇天垂象訓大哉萬古宗二曜互動盪星燦東井中
縱橫成經緯列宿相玲瓏未必神麻力但以助雕蟲里人
紛禱祝侈言甲第崇豈如勤德業視息無慚衷百祥扶正
直鴻業歸英雄瑣瑣得失端神其任咎功再拜伸微願惻
惻黎元窮奎亦司水澤何不拯旱凶更激江海濤傾薄排
崆峒洗兵清宇宙復使車書同君子履亨運風俗還朴忠
不願私吾邑敢求私我躬凜凜鬼神聽此願應我從屢叩
邈無應烟塵浩濛濛

龍潭飛雨

聞昔有烏龍鼓怒撼城闕洪荒忽歸斂平原現深窟郡郭
耐俗軒詩鈔

卷一

八

盤高堤至今愁衝決靈恠航奇險攢聚爭倏忽跳沫積昏
晦烟中聞叱咄波瀾黑的礫簸蕩驚笑兀浴日毒霧黃飛
烏不能越魚鱉傲天頑羣嬉任出沒非無網與罟不敢輕
唐突亢旱井泉枯終不減浩淳昔傳異人言有源通溟渤
往往陰雲天雷雨此中發急電閃驚濤鱗爪辨恍惚一氣
引鴻濛坤維宣鬱勃頽岸林木偃流汗草徑滑或見夜深
時龍女出弄月清風繞翠羽霜華爛黃鉞怪誕駭鄉愚建
廟修誠謁泥偶森雜亂猙獰露筋骨對之白晝寒悚惕動
毛髮歲時走士庶報賽陳肥腩徒令快陰欲潛肆鯨魚齧
血食不作福水旱猶倉猝富者無倉箱貧者乏糠粃不悟

事非宜但咎誠未竭我無神禹鎖羣疑安可伐

冉瑩古蹟

古稱燕趙間實產豪傑姿何遂無一人名附洙泗垂豈其
尚技擊不知儒可師惜哉魯中叟臨河感涕歸遂令慷慨
地終不被榮施我行瓜井村歎得冉子祠祠後高丘壟檜
柏蔭豐碑肅然拜舞間反覆書上辭明明死于鄆遺塚何
在斯咨詢向父老言論多支離我聞孟津野亦有公墳基
疑信旣無徵安可憑臆推且欣千載不聞風似遺規廊寢
怵心神瞻對儼在茲卓矣孔門徒蒼昊齊巍巍公列四科
首言行無可稽特以斯疾嘆常令學者思始知太上德無
耐俗軒詩鈔

卷一

九

煩表見奇聲靈感百王配享儼威儀世道有隆污俎豆莫
或虧如何崇典禮斯文日磷緇皇皇聖人訓徒爲梯祿資
致使青衿士雕蟲廢修爲吁嗟名利阨烈于秦火危德行
非絕學繼者今有誰感激墟落中碧瓦耀朝曦履運適如
何我胡增涕洟

毛塚高風

毛公爽豁士所向無危疑奇才不在衆得一足以威泛愛
失斯人變起空籌咨公若不自薦養士徒爾爲自薦豈忘
慚功名貴乘時可憐碌碌者空隨秋草萎公名留天壤公
塚長在茲長堤繞西南其北面城池其東車馬道其中長

蒿藜蘆荻烟冥冥古木叫梟鳴至今來英風沙聲颯踏吹
逝者不可作憑弔想威儀不信脫穎後更無再見奇得非
史遺失千載誰能追含嘆苦莫伸頰爲澆酒卮昨走邯鄲
中曾謁平原祠相如及李牧亦尙有墳墓精靈儼未散炯
炯回霜曦幽顯理雖隔誠感若可期我欲邀公魂共往結
心知聽紫青不改漳滏流如斯誰謂燕趙間今乏英雄姿
獨立荆榛久四顧使心悲

聽山聳翠

太行蜿蜒來鬱勃氣難止愕然躍衆止磳硤無綱紀聽山
蟠其衝秀絕白雲擬神棟棲巖腰飛橋歛澗觜勢逐狗兔

耐俗軒詩鈔

卷一

十

盤霞蒸紅紫起

狗兔紅紫山名

攫拏相背向隱映發奇理平岡吞

亂流沙田石齒齒穴土成村隣樹杪聞雞豕所向盡山谿
崢嶸遽能已安知數里還歛見臨洛市洛西山如雲洛東
地如砥從此到郡中沃野五十里曠朗疊嶂開登城展眺
視西北疑無天目際但岷嶺千峰競夕陽近者聰與紫依
稀往所厯泉聲若在耳重遊苦蹉跎獨立空徙倚古有馬
服君羽化西山裡開闔一氣中不辨何峯是岷岷晴嵐垂
幽光照城雉閃爍衆態殊頃刻不相似指點暮雲生吹面
淡如水舉頭謝山靈對君增愧耻低頭入市闌甘逐塵囂

子

淦水流虹

我曾尋淦源逆浪到磁州步屨凌神麇曠望延冥摻亂泉
盤巖根衝激吼群牛未勞神禹功天然向東流百里過吾
豕紆抱東南陬兼欣遊覽勝非獨灌漑周去城不五里坦
步頗自由雨雪各有觀晴明豁心眸遠瀾仁明滅宿霧歛
平疇渺渺赤日高隨流轉行舟光輝泛物色群動含清幽
顛倒長林影蕩漾波中浮玲瓏夾岸間園樹何脩脩興來
不擇主隨意恣夷猶所向成傾倒絲歌醉酒甌時臨招提
境時混農樵儔徙倚天水光高下濺星球晴蜺一以吹撲
面翻龍蚪灑灑石橋影回照大堤頭晃朗見輪蹄隱現荻
耐俗軒詩鈔卷一
十一

蘆洲比村蔬圃接香馥菜花稠處處聞轆轤時時聽漁謳
曜靈倏西匿流虹爛不收長影入窈窕水鳥去悠悠仰視
蒼雲來下與浪花蹂蒼茫生滅間拘促感蜉蝣孑孑野寺
鐘風湍晚氣秋明霞忽闇淡皎月吐城樓君看園林主誰
復百年留慚愧西來水風光日無休

遣意

古禮辨親疎人情分族類有過當面責何忍恣背議伏自
念愆尤徘徊昧所致魍魅生几席豈余能周備怪君不聰
察徒快流俗忌區區欲自明翻恐遭詬誶親朋雖滿座尊
沓各自媚誰肯施一言爲我展情義丈夫有本懷非敢矯

匡異守己雖見憎神明庶無愧瓶罄罍之耻木剝葉安寄
賢聖于尊卑常使有餘地中心苟乖離面目亦覺僞詭
而笑語智者爲憂惴

抱膝望天地豁達長風吹忘情任幽獨甘與世參差感君
拳拳意把臂訂心期量力効微勤籌畫竭愚思君方誓管
鮑貧乏仰余資謂可相終始寤寐不相欺漸看君意別索
寞異曩時我自種黍稷君乃種蒺藜蒺藜在君懷犁鋤安
能施低回揀書篋強半唱和詩念此前日好未忍卽乖離
吐心存君掌有何不可窺掌覆自背君展轉成猜疑雙鶚
雌雄龍報恩知向誰所以英雄人必俟英雄知

耐俗軒詩鈔

卷一

三

冬日西巖

嚴冬天地閉收獲報登倉偶乘風日霽過我西巖莊牛毛
寒蒙茸餽犢卧斜陽開門殘雪在瓦雀翔空堂圍人速掃
除熾薪温我裳展席呼其兒奔走供壺觴雖非狼戾年里
間慶小康敲冰出鮮鯉晚炊薦黃粱獨酌易成醉畏冷懶
登牀隔籬招隣叟依依話夜長虛牖通前溪寒犬吠燈光
始知疎散意所遇成羲皇

雨

自從四月雨金石鑠驕陽百靈慘不舒極目沙塵黃川澤
亦乾裂况彼禾稼場去年傷霪霖今乃懼旱殃雩鼓日喧

闔真龍竟渺茫八月行已盡晨起高雲涼秋氣漸清灑歡
聲細雨傍階土未霑濡赤日旋舒光親友偶相值含淒各
徬徨千錢易斗米百錢易斗糠易糠且不足流離道相望
遠近理或齊樂土竟何鄉父老仰面啼展轉死空腸空腸
死則已于何辦稅糧饑饉亂所叢撫恤思循良鞭巫與焚
厄此事終荒唐請先輕徭稅整躬存紀綱不思召沚源遠
可怨穹蒼咄嗟彼司牧何以謝皇王

送路徵吾姑丈江南省墓迎兄四首

煤山王氣歇天地盡烟氛殿陛存江左社稷未全湮豈少
諸大帥蟒玉圍腰身藩鎮終負唐列侯竟歸秦爾時君先
耐俗軒詩鈔

卷一

三

公淮漕正撫巡拊髀先皇帝忠義激軍民出奇時制勝朝
野著經綸賊黨與跋扈歛跡避風神保聚一丸泥方略屢
上陳天子爲嘉嘆欽哉鎖鑰臣功成盟帶礪温旨答忠勤
孤標忤權貴乃爲阮馬嘖矯詔奪公節大才不克伸遂教
半壁失東南化青燐是時少師史控兵維揚津苦乏駕馭
畧鞠躬徒忠醕表奏公爲副借箸共高勲吁嗟旋失利將
星中夜淪公乃棄家室跳身入鄭軍踴躍厲其氣痛哭連
宵晨偵騎如星流勅敵薄城闐三鼓士不進倒戈無反輪
公知不可爲孤舟盪海垠尙思一得當仰答君父仁感憤
結成疾此志空悲辛強起具袍笏籲罪向北宸乃與舟子

言爲我語家人棄此分所要母歸故鄉墳言罷遂長逝江
山氣嶙峋維君遵遺言卜地太湖濱鬱鬱松楸高風雨三
十春

君歸理舊業君兄留洞庭峭壑三千尺潛怪幻晶熒此中
藏萬戶風俗競奇贏咄嗟舊王孫羈孤誰見矜夢回瞻四
壁蕭條無經營做衣恆不完充腸藜藿羹朝泉汲山日夜
樵帶霜星歲月亦已多兒孫俱長成讀書與婚嫁憂思彌
縱橫老態近種種復爲疾病嬰君曾數寄書勸歸語丁寧
答云歸誠好伊誰守父塋悵懔集君懷每言涕淚并我聞
起再拜肅然恭敬生至道忘情欲窮亦大家聲千載西山

耐俗軒詩鈔

卷一

十四

薇忠孝有同情

惻惻復惻惻君思洞庭濱行期屆屢改出門今始眞妻子
牽衣啼憂君衰病身林壑廻春姿驪歌發清晨親友走相
送紫陌飛埃塵握手俱淒惻留行語諳諳烽燧滿天地問
君行何因君意獨晏然酌酒勸衆人但盡目前歡勿爲兒
女仁故鄉雖云樂詎可忘天倫夢繞先公塚心懸長兄貧
安居孰晏樂坐見鬚鬢銀常恐草木萎抱恨不得伸歸依
父兄處萬里等比隣况余少壯時竄身戈馬頻土但行胸
臆夷險付高旻珍重親朋意反令傷老神聞言皆歎服滿
斟奠車輪安穩送君去努力勿遽巡

屈指記君程五日黃河渡口日下臨淮七日過瓜步五日
臨閶門湖光引烟樹春風花草香邈迤洞庭路歷歷舊遊
踪新人多於故荒顏認舊廬齒髮驚衰暮君姪昔未婚姪
孫今已娶歲序幾變更艱難一展墓親葬吳越郊子家燕
趙圃去留俱參差何時安寐席遺命誠當遵人事有順忤
莫若遂返樞歸與祖坐耐情理權其宜幽顯均康豫樞旣
不能還兄必不反顧相聚暫相歡相別反增慮佇待君歸
來庭槐花應吐

耐俗軒詩鈔

卷一

耐俗軒詩鈔卷二

永年申頌敬立著

江陰夏詒鈺編錄

過劉竺南先生高齋

所以常相訪非關居咫尺愛君古直人近之庶有益門外
車馬喧庭中饒竹柏有言固欣然靜對情以適開樽暝色
低微風生肘腋令子抱書歸青絲覆廣額向余欣拜揖應
答何明畫對茲渥注兒流慶看寫奕朗月下高林疎影浮
素壁言喧棲鳥翔意恐遭彈射冥行莫循牆隄防觸毒螫
蚊聲拂面來其勢更充斥攘攘爭奪中何處寄肝膈孤立
良獨難停盃重嘆息

耐俗軒詩鈔

卷二

晚涼酌對妻孥

盛夏炎旱天日毒瓦石碎洒掃自偃息一月不冠帶落日
過驟雨瀟洒蘇病肺閒心忽及酒歸家相聚會竹樹動微
風滴露響荷蓋朱欄列茉莉隔簾吹幽榻揮扇厭蚊蚋秉
燭向窗外搖影亂碧紗幃幙翻明靄呼婢羅盤餐薄酌靜
相對曩慕豪傑爲遂疎兒女輩所向旣無成始慶室家泰
比肩兩嬌女朱絲絡文貝乳保抱持來望筵索果奈瓜李
間雜陳雞鵝魚肉膾細君暗掩藏雛食恐爲害雛覺故索
餐噴噎聲益大誰能卽遣責翻覺啼可愛抱慰出果餌笑
生啼哭內心知父母歡乃復嬌頑最爭抱葛襟裂承歡過

無賴道字苦不正喃喃任天籟我醉耐此喧几席同狼狽
女好終非男天性斯保艾娛情正此時成長乃多礙

過柎姪新齋

柎姪書室在城西南隅地形高下如巖壑曲榭
幽軒厯落烟水葭柳中茅屋數家參差掩映宛
然山林風致又窗陰接城樓可共登眺山光野
色無不周覽余甚樂之每過臨輒竟日忘返柎
出數卷求言余曰僻地雖隘收羅甚闊得因之
道焉卽事遣辭成一百二十八句家君云可代
叙記亦于簡端題五言律二首諸公咏歌相繼

耐俗軒詩鈔

卷二

二

巢書之卷紙遂盡云

志無可表見空言亦徒哆比年皆默默壯心苦無倚憂來
念吾宗城隅寄幽趾市喧隔溪光細徑曲迤邐柳陰三五
家參差共烟水隨流將百轉到門無半里阿咸知我來先
期煮茗埃曠朗天宇清灑然消塵滓坐我問所須殷勤隨
意旨中堂羅圖書南軒施床第豁達來遠風籬根響葭葦
夙怪郡邑窄無地展遊履此地亦嘗過縱橫亂雞豕欲搆
苦無資清絕今如是萬家雲氣中不信在城市景幽心易
逸樂極感流晷爾柎四十一有弟實肩比相與承家學攜
策干祿仕等夷多貴盛寂寞今尙爾吾家忠孝家家聲載

汗史士苟能自立不盡以貂珥多讀充聞見寡交謝譽毀
遇合信有天進修豈外己德在否亦榮困或生泰理爾翁
苦好學蹭蹬成隱士所願見爾曹奮迅繼懿軌莫以時不
利爛熳自廢弛弱齡我何知爲長良足耻過臨不辭煩况
茲廬室邇毋爲行輩拘砥礪庶有裨留連步階除突兀見
城雉舊自有葡萄玉粒鮮纍纍亦有安石榴亦有棗與杞
秋至實已齊蜂猶喧敗藥桐竹有清音余園可分徙池宜
種芙蓉明年須記此點綴雖未畢天然固足喜展席供常
羞劇談破庸鄙朴素儒風存何必有華綺何必有梁肉人
饌畦素美舊醅味更醅一脔有乾鯉家貧乏僕從子孫備

耐俗軒詩鈔

卷二

三

驅使門庭無垂氣怡然見綱紀人情驚聲援廣結忘端委
馨折簪組間談讌伏戈矢天屬古所敦相連如臂指起坐
無嫌猜樂與竟日齒郡樓頽返照丹甍沉波底水樹藹玲
瓏瞳瞳光華起隨風散龍蛇歛翻動窗几高卧一床間倏
忽改聽視振衣逸興生登高覽遙峙聰紫接太行峰巒矗
嶷嶷山氣變明霞下映阡陌紫微傳秔稻香歲功收穫始
四海多饑荒江湖方戰壘吾邑適無虞人各慶寧止田宅
相敝虧丹碧琳宮巋俯看此一隅人家獨卑卑烏喧暮色
中犬吠秋聲裡繚繞炊烟生亂雲相披靡月出夜色空宵
鐘近聒耳相對還復酌爲樂亦良侈外此豈無樂其樂非

所擬

瘞馬

廐中馬數匹爾質爲最驚論功勞逸間爾生獨勤劬田園
有耕作良耜爾崎嶇我家有營造土木爾運輸爾爲我春
穀爾爲我駕車親朋有緩急時復應其需努力爲向前曾
不勞鞭呼年深筋力盡百病攢爾軀草豆嚼不盡骼突毛
焦枯迎風酸淚落臥地日將晡廐人揚目罵驅策強步趨
爾雖不能言中心豈遽誣我急將醫來猶冀爾病蘇見我
發悲鳴聲斷竟長徂銜轡猶挂壁同群嘶齧芻顧視糞土
中冥頑寔可吁家人驚微利暗許賣屠夫人情感故物豈
擾擾夢幻中生死無停樞獨立蒼茫久荒林起噪烏

耐俗軒詩鈔

卷二

四

以微賤殊勞多未可酬安忍生覲覲叱使還屠錢昇向城
南隅化紙送爾魂掘土掩爾膚孽盡仍化人此理閻浮屠
擾擾夢幻中生死無停樞獨立蒼茫久荒林起噪烏

胡遜谷先生作戒殺文頗來譏誚爲廣其說以折之
丈夫遠大志食不羞菜根取足但果腹過此何多營萬錢
不下箸徒爲識者矜從來驕奢人俱由貪所成歛怨爲輕
肥坐見禍害繁奈何當代土口腹尙縱橫黃白委泥沙取
快一時稱一姓畢婚姻庖厨萬命傾一兒生彌月閭巷十
日腥尋常晏會間亦必品味盈雞豚雖效體不爲樽俎榮
淫求滋討求瑣細難具名旣飽還蕭索厭去飫蛆蠅遂令

射利徒走險害有形屠沽夜廢寢殺剝無時停網羅遍水陸山川無時甯人利物何辜慘氣逆蒼冥故人胡夫子讀書志氣清喻以養慈祥堪垂百代程人反誚其惑加以佛老名謂天繁種類實用佐宰烹吁嗟爲此言幽明實共聽汗天以縱欲母乃不可懲神禹菲飲食孟子訓聞聲安可謂聖賢亦惑因果情豹虎甘人肉不食意不平安可謂造物人因豹虎生

贈表弟路廷彥

我姑三男兒長者尤穎叡九齡通詩書十二腹成笥十五列鬢宮欲拔文壇幟翩翩表從閒逸藻真出類從余遊京耐俗軒詩鈔

卷二

五

華時方十九歲余誤中副車爾乃攀蟾桂自是我學疎非爾時獨利屢視所爲文雄闊豁心滯余痴長六年對爾忽自廢爾不以我愚虛心納論議春花看秋實璞玉思成器經術自有源辭章非根蒂爾祖文貞公爲我祖深契共立懷宗朝慷慨危疑際我祖在銓曹爾祖當言位白簡陳雄辭浩氣鬱經濟三劾宜興相僵仆略無避章疏多留中時或譴呵至炯炯目皆裂格天語彌摯權貴憚風威出建淮漕使三月足餉糧三月起凋弊白日纏妖氛宇逼紫微墜我祖從社稷身騎箕尾逝寄語囑爾祖莫以死自慰爲王屏翰臣保聚東南地君須爲其難我已爲其易爾祖哭廟

餘踴躍起自誓義勇集民兵威折政扈勢賊黨望江逃殺
獲不可記福邸承大統論功屢褒異爾祖欲表請糾合各
藩銳截河一大劄戮力報先帝吁嗟漢運終秉鈞猶奸媚
竟奪爾祖爵半壁遂虛寄賚恨滿乾坤千載爲流涕爾翁
及爾伯軒豁富才智少時從爾祖勲名各自致時移甘淪
落大矣採薇義山川世已成誰諒求仁志是非任衆口隱
忍就衰敝至今風雨中痛哭入夢寐所願子姪賢仍以韜
晦繼寧知嚴冬後萬物競榮翠從來節烈餘食報在後世
天之所欲興精華誰能閱最哉爾昆弟不患不富貴願爾
富貴時不負忠孝裔

耐俗軒詩鈔

卷二

六

觸言五首

逸驥日千里駑駘無百途奔馳同逐逐誰從辨賢愚致遠
戒勿速安車自徐徐雖無先登能庶免顛蹶虞

高賢衣百結大聖自飯蔬衣食固不足中心樂有餘富貴
競奢豪美媵列華居珍錯滿寶筵絲竹間笙竽躊躇不下
箸意色鬱難舒乃知天地心分此貧富途非以困豪傑正
用辨賢愚

人命非金石戕伐何其酷竟日勞經營日落繼以燭形勞
鬚髮枯思苦神魂辱豈不念閒暇所願尙未足願足知何
時蓋棺以相埒

山林韋布士心慕簪纓榮朝廷貂珥客而羨泉石清人心
喜更端常覺所履輕不知天地間何者快其情耕人望沾
濡行侶悵泥濘易地以爲處怨咨當復生造化本無私物
理難爲平大哉聖人道俯仰與時行

大道紆而坦小道徑而危始事失審度萬里總參差名利
繫人心行險不言疲明爲人所指暗有鬼神窺意急慮翻
拙福至禍亦隨躊躇歧路間欲退日已遲君子慎趨向智
士晰毫釐

胡以道先生增築毛遂塚黃公以詩請且謀建碑慨

然有作

耐俗軒詩鈔

卷二

七

周室旣板蕩群雄樹恩私維時四公子各以好士推平原
有毛生三年竟不知激昂前自負衆目猶相嗤盛氣無全
楚叱咤麾誓辭碌碌十九人至此方低眉知己良獨難志
士恆苦悲懷奇不一試誰能鑒襟期吹聲古已然風尙今
愈卑黃金走公卿士庶競刀錐苟非利與名凡百不肯爲
孤墳空在此寂寂無人窺風雨頽欲平荆榛穴狐狸胡君
老且狂動卽爲世疵乃獨懷高誼荷鍤整荒隳隆聳成高
邱足合過者思安見一事誠不救風澆漓故人賈黃公實
與共籌咨無可寵胡君請余贈以詩余聞與慨歎往謁酌
酒卮落日動郊樹閃爍見英姿明明幽冥理精魂信在茲

欲祠延血食苦乏創建資因與黃公謀且爲樹豐碑興起
有同情人應樂助施安可令胡君闡幽獨擅奇

閱甯元著詩畢漫賦復命

小子承家學趨庭篤舊編餘力爲詩歌怡情不期傳謬爲
先生許詩成屬丹鉛此道不易知拜命心拳拳因思聲音
微古用格帝天被豈有多才性情真使然情繁性斯傷幽
咽類風蟬藻盛情斯隱外華中鮮堅性情人自具不隨氣
運遷濟南及竟陵調殊趨各偏新聲易移人爭趨等逝川
既久思奮臂仍不離垂涎作者自啼笑風化杳無闕里謠
載國風大聖爲興觀曾是士夫作反令里巷憐衣冠飾優
耐俗軒詩鈔

卷二

八

孟詩衰以依沿云何從法守體格遵古詮云何見性靈義
理立於先我玩先生作頗不墮雲烟英英思自見浩氣藹
孤騫學養惜未充語調難爲圓披閱當秋夜挑燈渾忘眠
六義相推激任真無周旋移心置我腹移神置我前代言
所欲言不啻心自宣說者怪余直恐遂招尤愆誠以先生
尊譽者何患千使我但從譽將與衆比肩何益千秋託而
敢作僞緣一誠吾所矢才智竭精研衆目異妍媸彈射集
求全先生揚正聲請自爲經權持衡有首歸酌諸三百篇

哀流民

朔風吹枯蓬數里聞號呼行行見流民狼狽紛路衢面上

多塵土身上無完襦逢人跪告訴欲語淚連珠豈不懷鄉
土恐懼急征輸頻年遭旱魃原野盡焦枯卽欲鬻男女無
人能養奴盜賊食生人官司笞瘦膚性命無由保何暇念
田廬棄絕祖父墳扶持兼妻孥所過州與縣貧苦略無殊
年荒禁令嚴不許入城郭各村慎隄防不許棲簷無白日
食草根黑夜卧榛蕪老稚不耐苦沿途死溝渠到此十餘
一充腸半粟無自然死不免或可緩斯須言久氣力絕伏
地但歛吁令我摧肺肝欲去更躊躇所愧書生曩能得幾
青蚨人各給數文聊爲一食需食已還復饑更將之何都
樂土知無地流離徒崎嶇不見吾鄉民亦多遠逃避聖人
耐俗軒詩鈔卷二

九

握至治備荒足倉儲賑濟行天仁詔下萬窠蘇請爲歌帝
德相勸返鄉閭

論古示年姪史徵兼贈春秋一書使得會通大義

孔子尊周室道行借魯侯仕侯已降志吾頗疑由求家臣
不可爲况於聚斂謀聖門卑霸業管仲能尊周子與說齊
王有當聖心不陶潛書紀晉諸葛出因劉鄙哉我何爲窮
經今白頭守已志誠隘逢時道所羞晚節見史生虛已樂
從遊一卷脫相贈其名曰春秋是書人盡讀大義誰能酌
爾能深察識不義等雲浮

神龍奮雲霄霖雨遍阡陌不與風雷際斂精就窟宅公才
冠羣賢坦懷無險僻靜觀屈伸間固可一笑擲祖父積德
餘仙人始下謫灑落清癯姿逸氣不可扼忠誠溢日用交
遊慎取擇弱齡壯藻思落筆摧霹靂何難脫穎去青雲刷
勁翮數奇鬼遮燭煩下劉蕢策人生不得志何用名烜赫
蕭條鬚髮斑辟靡觀古石歲貢數百人銓次循資格豈不
懷天下進用羞黃白藹藹帝王都如雲冠蓋積得意相矜
高誰從辨果碩扶持秉鈞疏草堂空歎息蒼生無厚福遂
令得自適歛盡萬里心逍遙玩晨夕讀盡百家言聚精歸
聖脈跡屈道彌敦在晦無因阨流俗喜雷同行高未指摘
滄海有沉珠荆山有抱璧不遇古已然生才良可惜

遣意

少年志未堅接物昧臧否詩書束高閣裘馬混城市每聞
長者言塞耳輒不喜漸覺童心滅始信其言美進德當以
勇固學先動止祖父備典型惟願式穀似簪纓被兩朝族

望甲鄉里泰盈難久持素封安可恃淫朋蕩心神玩物志
氣鄙昏然温飽中有道所深耻敢矜年力富日月疾于駛
驚駘無停轡致遠等驟馭良苗秀不實窈窕愧桃李古人
雖云往天地存經史務華而忘根前言亦糟粕疎通得大
意以茲悟至理善惡不在人窮達不在己所謂繼家聲未
必在朱紫但當崇令德庶稱名家子

日入群動息日出群動作勞人失其常作息每逾格擾擾
千萬端暫夢還錯愕勞人好爲勞不勞意不樂伏思上古
時人生熙熙若無得惡乎失無善惡乎惡誰令知識開乾
坤歸雕鑿制作日益繁風俗日益薄無論義與利同陷此
耐俗軒詩鈔 卷二 七
束縛里巷遞悲歌後先總蕭索平生滿腹願畢命奚所託
蹉跎我何爲黽勉學酬酢志屈氣不伸人猶譏簡略逢世
終難工徒使朱顏削思出天地外放形同雲鶴揮手謝人
群俯仰何其廓

耐俗軒詩鈔卷三

永年申頌敬立著

江陰夏詒鈺編錄

感物詩五十首

感物者或因物而有感或因感而及物余之爲此
蓋竊取乎三書焉易之取象詩之比興莊列之寓
言庶幾託物達意言之無傷歟至於損益質文抑
揚聲律或工而離或拙而合辨離合於工拙之外
求不愧夫古之作者知言君子其有以教我云

深山有奇樹獨立山之岡堅質如金玉黛色參天長工師
求大木常材充棟梁幸以託根遠不爲斧斤傷孤貞默自
耐俗軒詩鈔 卷三 一
抱恐懼聲譽彰君看用而毀孰與不用滅

幽蘭自在山清荷自在水遙遙不相親芳潔有同美蘭雜
蔓草中荷出菰蒲裏秉志寧孤生臭味安可擬所以君子
朋心期在千里

蜂蠆雖挾毒遠之斯無害蚊蚤曲乘人其毒甚蜂蠆利口
難周防倏忽矜狡獪誰能甘輕薄委身供所快紛紛暗昧
中其黨寔難殺不謂寒風來寂滅歸一慨

中庭有高樹鴉鵲共巢枝人見同居處寧知各參差鴉拙
恆忌鵲巢成屢見窺欲去居已定欲爭惜羽儀耐其貪狼
性周防無寧時又復聚其友噪聒雜梟鳴入厨啄人食覆

孟而翻匙時時銜穢腐狼籍徧階墀惡德逢人怒鵲應亦
在疑遂恐遭驅除能不念同危

一木有曲直截直作棟梁餘材不受匠棄置糞土傍惻然
念一本貴賤異霄壤才品原有殊人意何低昂寄語不材
子努力勿徬徨

樹橘變成枳樹棗不結實徒費栽培功滿目生荆棘念我
松柏種微株介其側恐爲頑根侵何以遂滋植非無斧與
斤伐之心轉惑早種桃與李何用剪除力

啄啄時爭食聒聒間作聲有愧頭上冠司晨牝代鳴習勤
終勝怠牝鳴君弗怪男兒旣失業健婦莫自隘不見比隣

耐俗軒詩鈔

卷二

二

妻餓死無人提

李白惡白鷺罪其啄紫鱗爲言貌雖潔其心實非仁爾鶴
况嗜蛇穢濁更無倫俗尙喜雷同論形不論眞諱其貪殘
性清節擬松筠有奸必藏毒頂丹能殺人如何乘華軒尊
貴無與隣我欲訴鳳凰不以爾爲臣

宵蟲愛顯揚燈張竟飛趨趨之如有益殺身未爲愚因光
知螢度因聲知蟬處君欲遠禍樞莫向明邊去

一雞蒙厚飼羣雞氣索寞一雞莫感厚羣雞莫怨薄當其
厚飼時鸞刀已霍霍人恩不妄施受者宜自度鴻飛高冥

冥笑彼乘軒鶴

蜣螂轉糞丸，齷齪爲人憐。何時生羽翼，置身庭樹巔。穢濁猶在腹，清聲高自宣。君勿窮底蘊，浮名貴目前。鳩性柔且拙，卑棲懼衆凌。無端秋氣來，羽翮化爲鷹。聲變性亦異，貪狠思奮爭。橫空一努目，烏雀皆震驚。不謂青陽轉，依然返故形。雄心一逞始，知力不勝咄。嗟慙舊侶甚，勿變平生。

土人戲種橘，纍纍丹寔美。何故江南栽，移來遂成枳。此可究人爲非，關地力移明明。枳棘根強承，橘柚枝枳萌。不知剪本盛，客支萎物類。各有種強合，終見欺。

吉事惡聞鴉，鵲啁顏色。或欲矯衆情，聞鴉拜其直。擬鵲耐谷，許詩鈔卷三

三

以佞人聽聲，思彈射好惡。總由人微物，何知識清濁。原自殊矯衆成大惑。

我聞南紀暖，草木無凋殘。松柏處其中，何以表歲寒。常材欣得地，貞操心獨難。不辭霜雪苦，恥與衆同觀。

貪鳥急誅求，饑雀草根伏。其上又有鴟，耽耽思果腹。鷹爲百鳥雄，聽聲生敵。不能擊貪饕，相濟噉弱肉。肉盡亦有時，且願存其骨。啾啾呼鳳凰，倘能鑒微物。

撻狗惡升堂，乃復飼之升。狗貪不足撻，撻去旋復登。人性有如此，善治貴絕萌。苟不遵其欲，何用多政刑。

騶虞飢不噬，誰肯落一毛。餓虎拔其威，誰敢惜脂膏。天道

雖福善人心但助豪徹骨嗟廉士奇富積貪饕

至寶無雕華鉛刀裝瓊瑛拙目炫美觀誰能識龍文利器
默自珍不爭眞廣名逢時方一試笑顧世人□

月明必借日非能自爲明引對暗室中安能鑑己形大智
不師心先民有遺程君看梓匠巧寸寸依準繩

良驥逸草間雄視輕九州長年不一嘶抱德日悠悠伯樂
遇之喜收養待人求求者笑相謂聲價高難酬驅策供力
役不及駑駘優呼嗟勿復言天胡生驂駟

惟蠶有絲兮胡爲乎蜘蛛蠶欲息機兮蛛爲之代□蠶爲
謝蛛兮何用是區區網羅自利兮爾絲其智乎捐軀利人

耐俗軒詩鈔

卷二

四

兮我絲寔則愚爾我思旣異不用強躊躇

種菜不種花鋤莠惡妨苗如何貴無用伐桃接碧桃碧桃
花不實桃實花復饒棄茲花實茂無乃情事淆人巧屈天
工顛倒聽所遭遂移碩果力助彼花色嬌精實滿根株空
逐春風消惆悵舊年時垂實已滿條

良苗雜稂莠魚目混明珠揮鋤辨苗莠早夜事勤劬魚目
誠可賤明珠亦何需眞贗總無補區別意良誣可憐珠一
顆產罄十農夫安得□魚目兼使翠化烏庶幾造物力不
爲兒女娛

虎豹勢雖雄骨碎高崖墮螻蟻如飄塵平險無不可輕重

理各殊勢極難爲禍高木無寧枝良驥疲道左惟拙能安
卑全身託細瑣

人情無美惡恩怨較親疎知機憐紫燕親人得人娛踟躕
華屋中任使雕梁汙百鳥遠避人反遭羅網虞明哲稱冥
鴻畏害費躊躇躊躇雖則苦野性樂有餘安能羨小鳥依
依廡下居

鳥以山爲卑層巢山之巔潛魚懼水淺穿穴向深淵如何
一餌微卽能引之前貪心苟不除避害徒拳拳

文彩憐孔雀言語善鸚鵡拘促樊籠中美好還自苦雖苦
亦輝光所貴異凡羽凡羽誠無奇亦爲網羅取君看烹醢

耐俗軒詩鈔

卷三

五

酷樊籠不猶愈

離離山上苗自幸植根高高處風霜早零落感衰草所以
歲寒松竟向澗底老地勢雖處下氣象干雲表居上苟非
宜英賢晦跡好

墨魚能吐墨潛處墨花浮自謂藏身穩寧知與命仇大智
不見智智見動人謀危機遍宇宙何莫非自投所以江海
人浩蕩不可求

鳥有信天翁嗜魚不近水直待飛鷺過誤墮啣來鯉僥倖
事難期得食或偶爾信哉天代謀時有魚到嘴鷺鷥苦忙
忙一飽原非修正爾費經營不爾饑欲死閑忙有定數以

茲悟生理

黃鶴自高舉不屑人間世那知有燕雀營營口腹計羣聚
復羣謀不出藩籬地未識宇宙廣那知黃鶴異

秋殘菊吐英歲宴梅場粲徒然傲霜雪不受陽和滋春卉
休矜早寒花莫恨遲遲早理亦齊請看衰落時

我有一方玉聲價重連城見者咸嗟賞勸我獻彤庭以此
干人忌頓使瑕疵生惟心稱至信惟目稱至明讒毀忽相
加心目兩無憑撫衷我尙爾安問衆人情

蜂讖君臣體烏有反哺思解毒鹿辨草避歲鵲知時物類
但率性至理契精奇以茲悟定命靈蠢難可移

耐俗軒詩鈔

卷三

六

啄木能知蠹討求徧林木既有剔除功何嫌資口腹布穀
任天籟厲聲催播穀惰農作其氣耕犁起平陸微禽爾何
知天心示子育安民在去害富國在厚蓄至治豈外茲于
以勗良牧

芒蝸生果核宛轉自成世寸鮪泛蹄涔悠然亦縱意有生
皆自得秉性成位置大哉造物功曾不遺瑣細胡爲萬類
中人獨憾天地

蚯蚓化百合動物成草土麥腐蕩爲塵何由作蛾舞習見
不知奇語怪笑往古恆理難窮變耳目困環堵日可操戈
揮天可鍊石補何有鯤爲鵬自應人變虎誕莫怪莊列述

異自神禹陰陽參物幻山海謝陳腐平心驗鬼神至奇味
風雨枯草亦揚輝萬物從可覩

葵心常向日耿耿戀餘輝暮氣亂浮雲孤光忽無依感茲
小草誠濯露待晨晞三閭賦離騷首陽歌採薇千載鑿丹
衷流涕不可揮

食母有鴟梟食父有破鏡化機亦何危成此極惡性惟人
兼萬物稟氣分邪正陰陽消長中寂然任天命誰操立命
權繼善得槩柄上智固難期強力勵吾行何爲甘下愚陷
身極惡阱

護臆一紙微能敵拔木風我心持一理何妨羣小攻獨善
耐俗軒詩鈔

卷三

七

良足怡尙友古人中詭隨恥時輩比附如蒿蓬嚴霜日夕
來始信有喬松

野狐狹媚術白晝肆妖淫獸心誰能識面貌居然人人類
雜此物毒害難具陳綏綏求所欲楚楚混衣巾雷霆且不
畏我胡逢怒嗔禍福姑置之邪行不可徇

弱蘿不自立因依喬木邊微時不剪除引蔓據其巔蒙密
枝河掩束縛根株連勢借日益盛嫋嫋風花鮮可憐木就
槁無計脫糾纏請看百尺桐孤直絕攀緣

堯庭無佞人指佞草生庭譬之當臯日焉取燭火明後世
趨榮利矯飾忠孝行賢奸僭莫辨此草乃不生指佞寔避

佞何用存空名

我聞祇支國有鳥名雙睛解羽奮肉翻回翔視不平力能
逐猛獸激揚作鳳鳴一鳴羣惡散再鳴妖災清三鳴集其
國害氣永絕萌茫茫隔溟海徒懷掃戶情

拾遺記是鳥能驅諸惡彼國人

皆掃戶望其來集

嚴冬當午霽暫煖豈能長癡蟲蟄復出依遲薄日光飛躍
欣相得倏忽斃風霜不如桃李枝斂華待春陽

神龍工變化耳目駭聽觀寧知所以神爲能致霖雨大道
貴濟時無益何所取鳳鳥雖聖瑞不救蒼生苦只待治平
時覽輝來仁字

耐俗軒詩鈔

卷三

八

我有綠綺琴囊之金縷織珍重不忍觀十載懸高壁惋嘆
復徘徊默然感先德一彈再鼓時庭趨恆侍側聲容儼在
茲淚下不可拭白晝風蕭蕭號鳥淒以急響絕物猶存傳
家示罔極

行雲不返山逝水不歸壑惻然感故物滿日生蕭索門前
瓦礫塲歌舞舊樓閣歷歷親知居半爲市賈宅老成無一
存風雅久不作細檢壁間詩字跡盡剝落死者固無知獨
生亦何樂有懷莫與言一觴聊自託

蓮花芳且潔胡乃出泥滓惟其涅不淄所以象君子君子
惜名節清白恆自矢有時冒大嫌忍垢納衆指不告娶疑

專放君罪若侈豈樂蹈此行大義適如此處變而行權聖人不得已

迷覺詩十五首

古之詞人多欲擺脫塵垢棲神玄覽遊仙步虛雜見歌詠以血肉之軀強言餐霞辟穀以聲色之境虛擬閨苑蓬壺志既荒誕辭乖馴雅夫勞神竭慮汨汨利名中不知此身爲寄者世俗之迷也知其爲寄而懸思幻想若有術焉以不死其身者賢智之迷也賢智因迷生覺而覺轉入迷其害有甚于不覺者余迷人也俯仰身世偶與意會拈筆成言

耐俗軒詩鈔

卷三

九

命曰迷覺然而放浪形骸達生自適雖悟仙妄不知已墮老莊規之聖賢理道不猶然迷耶聊識斯語尙冀有覺

織女機中絲未可爲身華蓬壺海外山空傳斗牛槎何以遂惑昵人心自虛邪吾道隨所受約己不求奢視履寤昏且藻德耀晨葩翛然塵世間隨處有烟霞

人生極百年旦暮感蜉蝣靈蠢同一盡於何分短修至人稱不朽形化精神留卓哉仁義言萬世爲箕裘笑彼神仙徒偷生向丹邱冥冥世無知何殊草木儔

老子稱無爲蒙莊慕達生要能完性命未嘗著仙名變化

窮九轉何人傳丹經金石傾人命黃白起貪營紅鉛恣女
色淫穢冒天刑安得火其書永絕妖害萌

目能鑑人顏不能燭已面智能察人奸不能防已變好奇
驚耳聞厭常忽目見吾道與異端炳然隔天漢誰崇三教
名邪正歸一貫斯名不可刪長夜何時旦

李白不羈士自謂爲謫仙侈口言丹經謬云別有天縱酒
忘身命托志在狂顛江水沒詩魂騎鯨誰見傳達生貴知
命荒唐古所憐撫茲食色軀吾其順自然

形骸非吾有暫借棲神明奈何重形骸使吾神不寧至人
輕萬物心內運黃庭未死而學死當生若無生形氣旣兩
耐俗軒詩鈔

卷三

十

忘養虛以受盈豈敢希大道庶無疾病攖

醒憶夢中境榮枯如隔世醒時之悲喜夢亦不相繼孰眞
復孰幻欲辨已茫昧忽忽夢寐間微參生死際死將何所
歸生以誰爲寄神明我安知遺體同蟬蛻

漢武與秦皇志願何佗佗富貴旣已盈怕死心常鬱縹緲
海外山雲鶴辨髮髯不計事有無貪痴生仙佛人生自有
常壽天理無屈神仙卽可學不死亦頑物

形神暫相依如春在花柳崢嶸幾何時倏忽成衰醜漫愁
日月忙須念吾何有此身未生前此生已盡後茫茫大塊
問何者稱不朽縱使姓名留寂寞吾知否

鬚髮忽已蒼筋力覺漸殊眼昏羞細字默坐省微軀豈能
還少壯莫借藥餌扶當世無盧扁參苓正可虞不如寡思
慮神清心自娛庶幾達天命此意諒非愚

野性愛山居無錢買山宅城南舊園林頗以快所適日月
供縱放雲水託行跡忽不知老至春花笑鬢白久已罷著
書不復擾精魄俯仰百年間豈容課虛責

小兒已婚娶大兒喜抱雛仰懷祖父業晨夕嚴庭趨性情
吾愛此賢愚皆可娛嘗笑向子平逃累如逃逋吾生果曠
達豈必棄妻孥天倫苟無情神仙胡爲乎

臥龍稱名士五柳適疎野鄴侯骨自仙茂叔真瀟洒日月
耐俗軒詩鈔卷三

七

行胸懷屈伸瞻大雅超然得四公名義不相假始知出世
人曾不關用舍風流難仰攀歎息千載下

詩書皆我隣何愁世無匹開卷如面譚萬古同居室隱見
古達人厯指勳名失從來一賢生愚佞紛千出于慮積一
身無惑法網密我謝無復言願請終衡泌

我夢太古人爲我譚古初誰令知識開大道始唐虞乾坤
歸雕鑿孔孟陳詩書彌縫欲使淳詐僞更多徒智源不可
塞勝之以一愚寥寥坐庭宇冥心如枯株

鳳鴉行

君子爲小人所憎宜也讒毀嫉恨俱所不辭必欲

清濁混淆相爲比德則難堪矣爲作鳳鴉行

鳳飛九千仞非梧不肯息鴉無好毛羽處不擇荆棘鳳性自廉素非竹實不食鴉不擇穢腐腸肚日充塞梟族乃其黨羣類呼爲賊所在爲不祥猶不思潛匿惡鳳文彩殊鳴噪集其側鳳有千古思矯首望八極鳴噪雖紛紛何損于鳳德

雙鴈行

勸君莫羅鴈聽我陳其詞往有羅鴈人雄飛獲其雌可憐六翮損縱之不能飛置之雞鶩羣顧影獨淒其不飲亦不啄日夜仰天悲其雄翔雲中嗷嗷覓所思聞聲兩感識飛耐俗軒詩鈔

卷三

三

義鶴行

村童俯鶴巢竊卵易雞卵辛勤抱雛出驚顧非已產雄怒毀其巢雛碎憤猶憊翻然入長空呼族討不典須臾眾族來聲罪氣侃侃搏擊亂相加時不容輾轉可憐抱窻衷蒙垢無由澣毛骨洒郊塵見者爲悲泣我聞訝事奇屢詢果非舛幾希辨人禽人兮莫禽颺

救鳴行

我昔遊郊原適逢折翼鳴羣兒撻以戲一撻一鳴悲惻然

動余懷遣僕爲抱持僕言此無良救之傷仁慈余感退之
言不忍乘其危携歸勤飼養無肉念爾飢驅僕捕蟲蟻家
人更相噬殺生以養生所養又非宜余欲終其惠屢諫意
不移十日困稍舒十日毛生肌十日翮漸舉猙獰異昔時
礮吻復奮爪克頑不可治旣苦傷雞鶩又復厭喧嘶再俟
爾十日力健任所爲恩則吾豈敢仇亦不爾疑東西南北
去衆怒爾應知至今余蒙誚人宜愼所施

耐俗軒詩鈔卷四

永年申頌敬立著

江陰夏詒鈺編錄

由西巖省稼過張啓菴村居

西巖余別墅高枕滄河灣蒼蒼望君廬近堤秋水環兩村
共桑麻省稼時叩關蒹葭隱蓬戶鷗鳧飛坐間我來把書
久午夢君初還開軒看獲稻啜茗對秋山薄收足餽粥頗
慰稼穡艱暇還著書斟酌筆與刪來往庶無厭白雲盡
日間

世態薄耿介乃復輕貧老君更忘世態城市迹如掃我有
西巖居經年不一造省稼偶然過訪君話夙抱流水到柴
耐俗軒詩鈔 卷四

門戲鴨啄殘稻感茲雲物閒相慰秋成早君前借我書疑
我多未考偶和苦僮僕來往索詩稿今日細與論不覺爲
絕倒籬根菊正幽負暄坐藉草飯罷理茶甌隨意啖梨棗
始知羲皇人稱意以爲好

登徘徊村之南山

同環隨巖谷不知徑所窮暫憩徘徊村仰見南山峯山形
雖不廣秀削凌虛空興來不能倦行怪僕夫慵危欄盤細
磴百折緣花叢石罅懸古木崩巖跨仙宮曲折巧趨就峯
廻精舍通近山多秃缺而乏位置工得此快余意眺賞忘
日終遠嵐互明滅嘯歌來天風有僧負薪歸背帶落霞紅

啟扉揖余坐問余將何從下指投宿處蒼蒼烟霧中

武安至涉縣作四首

行色壯青山身伴白雲行雲岫迎晨光明滅籠秋晴僕夫
沐空翠芒履踐霜英興趣不可拘山行非可程遇有奇勝
處淹留暢我情安知午未餐顧愛前山巉奔悅方數轉樹
杪聞雞鳴四望無村墟巖穴炊烟生睡睡覺老嫗引雛學
經營飯客黍米團兼之豆葉羹二飯雜沙石嚼嚼齒有聲
我於世無功放浪山水清飽此亦已足况有濁酒傾

向西山更多連疊排雲密客路夾其中礪礪塞亂石石勢
起不已平奇狀匪一歛危惜驢背徒步或竟日狹逼將崩

耐俗軒詩鈔

卷四

二

巖險臨澗千尺行人巧迂避旋轉如鳥疾笑我拙攀緣足
縮而神恍樂翻因畏生不畏樂不極喜見雲峯攢躋身履
峯崒不知身忽高驚呼徒侶失峯盡徑忽低徒侶雲中出
山椒被兩崖清霜染柿實收藏供賈客羌桃兼橡栗深山
利澤長山居豈蕭瑟

涉縣倚山隅羣山相拱向峯巒森穢穢瓌詭不可狀古木
互糾紛白雲自逸宕土人不知名行旅誰眺望我欲窮幽
險天晚妨遊杖因思北土雄山川多奇狀妙理藏深寂孤
高默自况吳越多雕鏤位置堪益盍標題分名目反使山
眞喪寵從此大觀自然任天放斯世無眞賞多爲詞人誑

冥心契山靈寥寥誰同尙投宿隔深林沽酒酬青嶂
高秋霜氣輕愛茲山日暖攀緣不辭勞取路快迂險我僕
猶深谷我身已絕巘往往數武間相失隔回轉人聲谷響
傳雲散巖姿展平岡耀丹葩亂石翳蒼蘚細泉行履鳥肅
籟鳴絲管山深日易昏投林鳥能返吾亦尋所依雲際辨
雞犬山家少茆茨鑿崖開客館供食無兼味民淳風俗儉
飯罷呼主人挑燈話欵欵

黎城至潞城作二首

晨行覺衣單暖氣回朝暾漸看寒霧斂了了明山根松鼠
嚼巖花石雞鳴短垣涉溪亂清淺履滑石子翻巉巖間平
耐俗軒詩鈔卷四

三

岡高下勞扳捫山風四面至漳水聲何喧扁舟截浪過險
仄搖心魂坦步氣始蘇復見亂石屯是名神頭嶺怒踞儼
虎蹲一線紆迴路艱如跂劍門安知廿里還豁然見平原
牛羊散空澤禾黍連比村田家勤力作男婦兼兒孫感此
狼戾年因之憶家園農隱略相同家口皆飽温庶無柴米
牽遊覽任朝昏

昨夜山風急吹葉驚客館晨起聞雨聲未覺妨遊覽荷笠
出孤村行行雨漸緩山峯與雲峯出沒渾不辨夙愛巖谷
奇今喜道路坦高吟興悠然委轡任山蹇原野徧氤氳旭
日遙峯展空濛隔疏雨泉壑殊晦顯山鳥高下鳴倏見晴

光滿雨氣蒸爲霞赤燄橫絕巖恨無良友俱妙賞誰余遣
摩訶嶺

萬山突而起天意限西東斧鑿勞人力巉巖一徑通到頂
千盤折未半力已窮懸空古木多霜葉夾青紅下視疑無
地極目盡巖崕仰見先行人婉轉飛鳥同有僧居巖腰茗
飲濟途窮爲言山戒嚴虎豹盡肆克引視食人處尙有毛
血蹤行人色遽變我僕步先慵我以無畏懷坦然虎豹叢
擊杖叱我僕振衣凌長風行人壯我氣鼓勇相追從上嶺
日未午過嶺日已終同客事共濟無虞感衆功茆店沽酒
謝相慶話從容

耐俗軒詩鈔

卷四

四

觀晉山秋色寄懷姚扶東

晉山無奇峯巖谷自荒僻反以厯霜風山客增潤澤草木
葉不凋秋色雜亂積深紅間淺紅黃紫兼青碧爛熳夕陽
中媚茲秋雲白天然錦繡場娛我烟霞容遠思贈故人秀
色不可摘

屯留至岳陽作

山右山何多山多無可悅叢磊頑塊屯形龐而色劣近山
苦不盡遠山復羅列遙望若可觀逼之殊無別填塞二百
里三嶺相連綴白草深荒涼古廟亦頽缺行人辨虎蹏陰
風號敗葉沙昏日慘淡澗東泉鳴咽偶來意難堪居人長

自得生當文明世棲同鳥獸穴耕鑿樵牧外冗然無施設
詩書鑿忠厚榮利生盜竊慨彼陶唐風一篋存朴拙地勢
實使然我胡厭山惡

過劉益公湖岷村居

與君兒童時嬉遊共竹馬鬚髮今已蒼往事情難捨細數
父兄行存者亦已寡念之熱中腸始厭形骸假相視長兒
孫飛騰孰高下詩書欣有託日月供瀟洒迢迢溪上村百
道溪泉瀉君廬在其中曠然適疏野霽日亂鳧汀烟柳覆
疏瓦招我嘗秋菰蝦菜兼魚鮓飽食話晝長荷香泛盃擘
愧我尚浮名於何當風雅新聞塞耳聾是非口欲啞百年
耐俗軒詩鈔 卷四 五

幾何時拘促何爲者願敦總角歡從爾雞黍社

聞姚扶東開化消息簡張啟菴

貧賤豈不難觀時辨順逆嗟哉垂白友含冤無由白當其
捧檄時苦爲妻孥迫悔余勸不力致彼有此厄天意競貪
風善人罹罪責遙知患難中肝腸憶夙昔故人吾與爾莫
能效一策消息隔江雲疑信驚旦夕安得生羽翰同往慰
驚魄

漫興二首

逃名以邀名取名術亦巧千古終南山不如長樂老萬事
宜從實清濁何容矯吾自任吾真毀譽聽皆好鄙人非敢

高進取悔不早方今謀衣食爲計殊顛倒平心驗物情夙
昔傷懷抱蹉跎勿復言尙期晚聞道

亦知不宜拙用拙亦吾巧無欲貧亦足無辱賤亦好世路
自崎嶇吾心平如道悠然隨杖履所向成顛倒有時掩荆
扉憑几聽歸鳥風雨過夕陽落花沾徑草兒子肩隨來書
卷各在抱箕裘幸有託棲遲任吾老

續滄浪曲

濯纓固須清濯足豈宜濁同爲清白體不受濁流辱誰謂
此足賤能使加帝腹試看劉歆頭何如嚴光足貴賤總由
人志士奮高躅我欲塞濁流一續滄浪曲

耐俗軒詩鈔

卷四

六

范增詠

張良爲韓奮范增爲楚爭功名雖有殊秉志均忠誠諸豪
輕去就反戈非人情增豈昧鑑機臣子義難更五載參幃
幕謀猷豈不精楚人自沐猴奇計遂無成明知不可爲隻
手猶支撐千載悲其志倔强凜如生論者循成敗是非何
能平韓彭多醢戮安見擇主明增知反閒疑慷慨辭君行
智能全骸骨義高忠楚名

喜姚扶東遇赦歸來有望已聞遠竄閩海簡張子啟

庵

急湍無安鱗風林無定鳥時艱修士阨隱忍就顛倒斯人

在縑綫白日鑿宛抱不死感天恩生還音復渺更聞閩海
竄隻身寧自保吁嗟功名地土氣久枯槁始知沮溺徒藏
名亦有道耦耕可樂饑吾與爾終老

同胡魚又下榻路叔寬高齋卜萬特安磐石彭仲崧

日夕相聚用壁間孫樹峯望米堆山詩韻

幽居對南城門掩寒塘路悠然望遠空明霞斂宿霧晨昏
素心人契合無新故清譚共盃酌星月生竹樹連床共翦
燭起行錯芒履庭靜如空山稍聞飛鳥去苟有高世情此
卽避秦處

曲安留別叔寬諸公仍用孫樹峯韻

耐俗軒詩鈔

卷四

七

久晴冬氣暖殘雪融微路揮手謝良朋驅車入朝霧相聚
豈不樂感慨亦何故珍重期許心努力慎所樹高齋數日
留暫息遊山履隔縣原非遙乘興自來去白雲滿西山知
我吟嘯處

落花感懷

未花望花開興在未花先花開旋復落惻惻春風前人情
淡所無既有絕念難誰能齊得喪復作未有觀

腕摧書傲

生知世路艱步罕及里閭不涉羊腸險謂可寡憂虞夜昏
忘秉燭失足落階除腕摧痛欲折竟夜惱妻孥一意偶不

慎庭前成畏途不知走險者何計善其軀

輓張宣公步乃兄楓宸韻二首

饑饉既連歲豺虎肆道傍畏害防有形何處避伯強羨君
釋憂慮遊神無何鄉寧念後死人惻惻摧肝腸
生聚如浮雲散去不得將生形原暫寄死安歲月長精魂
苟不散終當聚泉壤情至一驚呼落月空滿梁

甯漢章昆仲招遊南園撫今追昔慨然賦贈

平生詩酒地邀約無朝昏自公出山後烟水悵空村其間
聞易主十載閉園門何時返舊業賢哉有後昆風雨翦蒿
萊次第葺牆垣招我續昔遊展席臨前軒親朋又一時故
耐俗軒詩鈔卷四
八
舊無復存何有修竹林古木已盡髮無奈閒花草向春開
正繁主人感式微舉觴聲復吞吁嗟令先公立朝建直言
擊奸計不就至死抱煩冤兄弟得生還有母勤清溫回思
嚴譴日敢望守家園於此勸一觴何莫非君思努力忠孝
業讀書課兒孫持以報先公餘事安足論

秋夜

蟲聲亦何急漏聲亦何長耿耿不能寐徘徊亂燈光啟戶
步中庭蕭蕭聞雁翔星河下平地風露滿衣裳壯盛難久
居催人日月忙惜費願虛名徒令鬢毛蒼

寄興

伊尹耕有莘太公釣渭濱用之帝王師不用耕釣人耕釣
曾何傷天下事遂淪所以漢昭烈不辭三顧頻君屈臣道
重臣重君志伸惜哉賈生策痛哭以自陳
井牧廢弛後綱紀難重陳誰開利欲源傷此造化仁三代
有損益各隨時所因秦法蝟毛興禍亂乃相循豈無補救
方經濟無其人惆悵不能坐行歌響荆榛

夜過大慈村訪靳子衡

落日遠山蒼微茫辨烟樹遙聞溪犬聲漸近讀書處柴門
開夜涼栖鳥忽驚鷦相見不秉燭坐共花間語

留宿叔寬高齋有客聚飲揮使移去展誦陶詩

耐俗軒詩鈔

卷四

九

主人愛飲酒留客強盃盃我心耽寂樂靜夜苦喧呼揮使
移樽去開卷得所娛簾疎霜氣逼蕭蕭風滿廬僮眠冷抱
足微火宿寒爐起行視天宇星月下庭除徘徊無與言心
清樂有餘

惡喧揮酒客展卷誦陶詩陶詩多飲酒胡爲愛其辭性情
乃相關忠義激鬢眉耕讀安時命心許白雲知斯人能不
飲名與古賢期斯人旣樂飲風流亦吾師吾豈惡酒哉飲
酒懼陶嗚喏勉衰俗中庶以慎其儀遙遙止酒心知余不
飲奇

訥訥慎默人刺之無可刺流俗所謂賢聖斥爲德累嚶嚶
狂者流行疎不掩世聖獨有所裁列之中行次吾願狂進
取不爲愿取媚從來不羈才多負特立志雖爲下士非天
良無矯僞學老鋒芒歛漸可幾純粹惜哉韓與蘇識高養
未至就其性所流浩然已莫歧

漫筆

斯世能高蹈于吾豈不榮失身學干祿躋蹙復無成進退
總厚顏人誰諒我情違心甚貧賤鐘鼎一毛輕仲連亦何
人能全蹈海名

素絲亦已涅再濯豈能清操刀不得割業已爲臏營隨世
耐俗軒詩鈔

卷四

十

求利祿自甘庸衆情願謂江海間豈遂乏賢英落日無聊
賴蒼茫獨掩荆

答李策一

君家臨洛西羣山供眺仰去冬曾相訂今春必君訪倏忽
今又冬尙未踐幽賞非關憚病軀亦非牽塵網嘆我性遲
滯於事但存想今日又明日徒悲日月往遂合無所成不
獨好約爽君胡待我恕不罪翻褒獎復展明春約把酒山
花長對書忽自笑欲答心悵惘青山何負人因君生勉強

漫書

漫矜日月長我生漸有鬚雖乏爵祿榮讀書守我儒禮義

化室家卽事良多娛蘇秦誠鄙夫黃金驕妻孥

省非

昨非今未知今非復盈前虛心受毀譽是非總茫然毀我益我修譽我增我愆遐哉猶面牆撫衷恆自憐

焚藁

文章居高位矜貴使人仰文章藏名山珍惜使人想文章在我躬酬應只自憫執筆慚心顏迫促試勉強遣詞先授意刻日戒勿爽逆之遭怒訕應之一笑賞我實懼人情未敢辭擾攘遊戲衰俗中遠害道寧枉稿脫還自焚事與浮雲往却笑諸名公以此爭雄長

耐俗軒詩鈔

卷四

十一

耐俗軒詩鈔卷五

永年申頴敬立著

江陰夏詒鈺編錄

初謁肥鄉賀宣三先生留宿高齋賦贈

登堂一笑罷握手更踟躕尚有斯人在何言吾道孤問年
將入表逸氣橫三都披豁當春霽浮名淡欲無

幽築臨漳渚柴門積水痕居環子姓密俗有古風存老不
離書卷貧猶盛客殮平生蓄武意慷慨許重論

幸有今宵聚各言夙昔思余寧當小友君實是良師花隱
孤村靜盃傳夕照遲追歡還悵別預訂後遊期

春日小園同魏靖甫賈允叶晚酌

耐俗軒詩鈔

卷五

一

晚酌逢春霽清風隔竹吹雨頰花放早林密月來遲適意
聊爲樂窮途易見嗤飲酣休閒夜醉卽卧茅茨

贈南泉山道隱

細磴盤空曲山扉閉萬松清磬時一擊餘響赴千峯任水
流雲去無人捧杖從道心真不動門外虎行踪

由府城村起行日昏過摩訶嶺行八里許始達河套

溝投宿

倏覺千峯瞑驚疑路不真風腥虎嘯壑月黑石欺人履險
憑吾道窮途仗僕親到村翻自惜相慰說艱辛

同陳宗文寓叔寬高齋賦贈

吾黨賢豪士君誠未易過肝腸歷霜雪身世入風波道大文章細心孤感慨多何時同卜築朝夕話烟蘿

經胡索一先生墓

蕭颯白楊秋經過感舊遊可憐魂逝遠尙許夢相求名耻黔婁謚詩留杜甫愁玉樓知有未淒惻此荒丘
曾說無生理拋形如棄仇一丘君志得百歲我何求故舊泉臺滿浮生日月愁自嫌俗未免揮涕洒松楸

贈張明遠

小巷門常掩窻陰竹幾層貧憐養志子老作在家僧苦行逢人笑問心轉自憎揮盃時勸影明月是高朋

耐俗軒詩鈔

卷五

二

大名同胡魚又訪張楓宸年兄因晤黃吉羽先生黃元吉年兄卽事成詩

坐久閒清酌庭寒起夕陰茶聲花徑轉燈影竹林深偶爾成高會悠然愜素心大任春正好乘興許登臨

送張啟菴赴古田令

丈夫不嘆別况爾握銅章淦水一樽酒閩江萬里航行裝
侵水霧嶺路雜花香何地非王土仁恩及遠方
知交零落盡豈不惜分襟君但慎前路余將老故林行藏
吾道重用舍帝恩深未覺天涯遠相期共此心

送王搗齋詔赴維揚對獄

七十君餘五萱堂更若何承歡悲日短入世悔才多事往
身猶累途遙語易訛此行占道力勉矣慎風波
久遂林泉志寧堪法網攔達觀輕禍福惜別戀交情詔對
維揚獄嵩呼聖主明懸知恩浩蕩莫自緩歸程

西巖

結茅溼水上千頃稻花秋雲氣牽簾入溪聲傍枕流貧知
農務急老畏衆人求時有閒鷗鷺忘言相與遊

贈渤海劉支莊

下榻憐公子崎嶇客路頻風塵催短鬢肝胆向何人道拙
寧安命家聲不礙貧長蘆歸舊業烟水待垂綸

耐俗軒詩鈔

卷五

三

蓮亭雅集赴冀建中約

野漲侵橋脊孤亭似泛舟香中群動寂烟外遠村浮簞冷
露花露茶清避酒甌坐看魚出沒樂意罷垂鉤
水氣兼殘照氤氳變彩霞乘涼看試馬散步踏鳴蛙臨去
還呼酒解醒更進瓜兒童輕法禁狼藉折荷花

池公由邯鄲赴任雲南過訪贈別

天涯知己恨一別渺難期尙有今宵聚敢嫌十載遲功名
猶寂寞客路轉淒其無計攀行轍何由慰我思

風雨邯鄲道滇南萬里程難忘舊履地應識故人情壁上
留題在樽前感慨生君猶羈薄宦行矣慎才名

草閣

草閣著書罷長林秋色閒塵喧不到處庭戶若空山片雨
隨風過殘雲帶鳥還蕭然無所事雙手納懷間

張明遠何佩仙顏君瑞以遊甯氏舊山園詩屬和余

感懷元著先生步韻二首

寧忘山水勝感舊罷躋攀有客傳新咏爲余話故山殘荷
秋雨漲荒徑夕陽間最耐興亡事漁樵自往還

名園思宿昔勝事已茫然此日門羅雀當年人擬仙死吞
憂國淚囊罄買山錢君輩能臨眺含情酌暮烟

清河道中苦寒憶張明遠

耐俗軒詩鈔

卷五

四

無端牽俗累道路逼殘年寒日淡於月遙田動似烟脾衰
禁晚食指凍耐征鞭遙憶張居士擁爐望我還

張楓宸書來怪余辭職不就詩以答意兼訂社約

性拙防時怒無寧棄一官故人遙見訊憐我食貧難事向
忍中過心從足後安乘春思舊約還續竹林歡

西巖新築書屋

雲氣生庭戶披襟夕照殘貧能成小築懶不就微官柳色
環隄密水聲入坐寒時來隣舍叟談笑有餘歡

人口南郭訪張性生

訪舊來南郭荒居春可憐高人無令節長日抱殘編話別

經年久論交許爾賢遽堪托老病詩酒罷周旋

贈錢塘汪屏山

掉頭不肯住邂逅拂征衣客路人情薄風塵吾道非心隨
秋雨亂目逐白雲飛應切當年望西冷計日歸

送胡士瞻歸錢塘

豈不惜離別憐君有老親承顏宜愛日失計悔依人湓水
留高咏吳山暹暮春屈伸天意在歸去且安貧
賢豪宜自信失志更堪論范叔袍何在張君舌尙存有懷
吾其汝惜別酒盈樽不恨雲山隔相期古道敦

送史翼君年兄赴永寧縣令

耐俗軒詩鈔

卷五

五

壯心輕萬里垂老握銅章何地非王土忍言外鬼方傳經
典禮讓買犢試農桑陋俗觀文物始知儒術長

甯元著侍御過訪小園

毀譽防無計潛居畏有名不因君古道亦懶啟柴荆落拓
懷知己光輝接典型無憐幽處寂花竹有餘清
我有憂天淚君懷戀關情行藏雖異轍締結已同聲道大
何妨隱時艱漫不平且逢花對飲相勸慰浮生

過柚姪書室

一徑隨溪轉數家烟火連迎門看翠竹入座展殘編德望
吾家重時名爾輩偏休同阮氏姪與叔共狂傳

迂拙原非傲違心事不宜地幽吾屢過夙尙爾應知道在
文章細行孤世俗疑勛哉同努力家自有清規

賈允叶過箕亭懷先臯盟公及張命士殷伯巖有作

見寄走筆賦答

聞過西巖地曾臨舊草玄欄頽花竹盡柳倒薜蘿纏弓劍
思三老音徽隔九淵空憐賈島在衰白弔遺賢

池上閒鷗鷺都非舊日情難揮青眼淚不盡白楊聲遺老
關風運知交見死生余心渾欲折懶到此中行

贈天雄黃小重

憐君丞相裔決策少年時未捧毛公檄幾成太白疑詩傳
耐俗軒詩鈔卷五

六

彈鋏草心許臥雲知肯以飄零故隨人曠路歧
萬里衝戈甲扶喪返故林艱危增道氣孝勇仗天心淚結

川雲暗途窮友誼深說來聲尙咽揮涕客窻陰

凝碧池頭恨千秋志可嘆遭逢已如此出處勸君難失路
將誰倚孤衷立命觀世情方浩渺安穩是漁竿

交道今難問居然有此人最憐慷慨意頻死亂離身孤寺
連風雨狂歌動鬼神側聞庭訓在原不悔沉淪

何堪傾蓋日細話亂離情歷歷當身險遙遙代子驚雄才
寧久落時論本難平僧舍逢秋晚愁聽霜葉聲

殷子談君久君來殷子亡定交心已醉感舊意偏長且喜

樽前樂休爲別後傷天雄知不遠時可到山堂

遲山堂與遜谷論詩

夙昔從吾伯論詩每夜分故人今復爾回首忽沾巾園是當年築花非舊日春明知相聚苦屢過獨何因

贈胡遜谷

少類遭患難老計樂閒身半掩茅庭竹高吟驢背春不文焉用隱惟德始能貧薄俗徜徉裏誰知異衆人先伯嘗推重傾心我復然眼孤天地窄詩密鬼神傳清議留吾黨餘生計石田西山來往數杖履帶雲烟

漢章寧妹丈謫居遠方感懷有作

耐俗軒詩鈔

卷五

七

姻戚吾鄉衆交情我輩真那知歡會日頓作別離人家業隨流水顛危任此身所居里巷近瞻望倍傷神鮑叔遺薰沐范生擁素車慚非交道古空有故人嗟父死身何惜名高謗易加皇天如可問絕塞豈君家

堂成柬鄭孝廉

我住巷南君巷北與君共卧南城鐘三日未嘗疏來往一秋何忽闕過從乍喜堂成初剝棗旋聞病退可扶筇花間石徑閒頻掃幾聽人聲疑士龍

寧元著先生過箕亭有懷先伯父梟盟公作詩見寄

走筆賦答

曾聞少歲長遊此仕宦睽離十九年今日經臨重弔問昔時耆舊半淒然我翁隻影悲難已屈指同人君最賢寄到新詩驚病眼秋風吹雨落窻前

甯元著過西巖草堂作詩見懷有云聞道攜書長過此應多佳句咏秋風豈知塵土勞勞牛馬奔走水雲勝槩夢想不及讀斯句也始悠然遐想知有清溪綠樹矣裁詩奉答卽以誌愧

欲謝塵喧伴野鷗西巖爲築草堂幽一隄柳色穿雲轉百道溪聲接檻流君昨懷余勞惠顧年來人事苦淹留新詩突兀傳城市動我沙村無限秋

耐俗軒詩鈔

卷五

八

題趙子昂所畫元人校獵卷

旌旗漠漠馬盤空雉尾花裾結束同滿目蕭森行殺氣高堂彷彿響沙風身翻鐙底鞭驚兔箭沒雲中落過鴻今日披圖猶痛絕王孫貌此亦何衷

贈南宮張太史映繡

神交幾載今投紵一笑相看卽故人客裏連宵多聚飲雪中殘臘已生春醉醒隨意談方劇出處無心道始真際會如君宜自奮休憐郭泰在風塵

避俗猶嫌俗未忘漫從知己較行藏青雲恠子仍貧累阜帽如余亦士常閱世徒然多慷慨論交不但以文章獨愁

同調歸思切莫訝燈前數舉觴

鄭子勉老伯客遊乾侯屢勞書問兼辱寄詩奉答

分携憶昨話深更老病饑驅慘別情薄俗無援非異理怪
君何計得同聲減愁欲報書難盡背燭孤吟夜不明客館
此時能醉否多應對雪憶柴荆

修竹牙籤共一庭朝昏杖屨接儀型敢從父執論交道細
把郵詩勒座銘殘臘久虛長夜飲歸鴻遙共客窻聽始知
離索無遐邇幾日相思鬢已星

聖代容君隱薜蘿千秋吾道尙蹉跎最憐垂老撻貧累無
計分憂奈別何名下交遊推轂盛客中詩句寄余多歸鞍
耐俗軒詩鈔卷五

九
屬指當除歲春色園林且嘯歌

奉陪王郡司馬穀振開壇講學並序政教始終

昭代儒宗仰百泉孫鍾元先生昔講學蘇門于公今又得真詮平觀朱

陸無同異不以天人較後先義利分時方見道彝倫盡處
始爲賢任教曲學矜才智遙望宮牆未敢前

聖主憂勤日旰衣人情猶自昧從違學干利祿詩書賤政
出刑名古道微不有深衷存獨是安知世俗已全非清光
靜浥消諸念每自吟風弄月歸

堯甸千秋運莫回霸餘風俗日淪摧天教絕學開吾黨帝
屈儒臣佐郡來體用全歸鄒魯業經權不是漢唐才試看

敷化方旬月氣轉敦龐士就裁

驚聞遷謫去漳河回首仁風數月過隨處有民皆道寄此
方無福奈公何思從坦履攜家往懶說棠陰遺惠多不朽
已全三盛事里謠聲裡帶驪歌

元夕招同人賞燈寄懷路庶常元升表弟

黃昏歌鼓集比鄰雪霽朱欄月倍新千里華燈同此夕一
庭芳草又生春詩才輦下今誰好友道天涯我輩真未審
故人懷故否相思不敢寄書頻

冀乾中招飲林園膏雨時至流連信宿而返

羨君棲息地偏幽攜侶躋攀作勝遊檻外孤亭臨野闊花
耐俗軒詩鈔卷五
間曲水帶香流高歌入夜笙簫合細酌傾懷笑語稠最是
怡情歸未得滿天陰雨散春愁

西山作

巖畔人家樹杪棲開牕正與遠峰齊滿山紅葉新過雨杖
撥晴雲渡碧溪

西巖草堂

西巖風景類江鄉高柳陰深是草堂百道清溪烟外轉夢
中猶覺水聲涼

夏夜

欲眠不眠夜清涼明月無聲入我堂童子亂攏花影卧微

風不動烟蒼蒼

夏日

塵喧不到卽山家
夏日陰陰聽鳥譁
昨夜雨聲來枕畔
曉風開盡石榴花

南橋送客

飲罷溪橋折柳行
隔林風送馬嘶聲
斜陽脉脉輕塵外
白鷺羣飛秋水明

耐俗軒詩鈔

卷五

十一

右耐俗軒詩五卷永年申敬立先生頌所著也先生爲明太僕寺丞端愍公之孫而孝廉觀仲君涵煜之子世父鳧盟君涵光以詩雄長河朔與弟隨叔涵盼及同邑張覆輿蓋趙秋水湛曲周劉津逮逢源雜澤殷伯巖岳相倡和號爲廣平六子諸人相繼凋謝而先生繼其後先生旣襲累世忠孝紹承家學不樂仕進以副貢生授唐縣教諭不就職居里中凡所蘊蓄一發於詩詩以真摯爲宗指事類情能達人難達之意而意所不盡復往往託爲寓言

四庫全書存目稱其五言古體源出阮嗣宗詠懷陳伯玉張曲江感遇而運思取徑出入蘇黃頗爲拔俗惟病其或耐俗軒詩鈔

卷五

三

有快縱纖佻實相之弊誠定論矣然卓識宏議扶剔精奧奇氣鬱勃於行間集中與甯元箸論詩之篇以性情義理爲先庶乎三百篇風人之旨此邦作者自鳧盟後未有或之先也余昔年修志之役搜訪遺書得見邑人張啓庵冀建中校本九卷諸體皆備與

四庫存目但錄五古三卷者不同先生平生精力專於五言他體未能稱是存者亦復寥寥當時採擇進呈不爲無見余病原編紊濫不辭固陋重爲釐訂少去其應酬之作及不甚雅馴者存爲五卷囑邑孝廉胡君月舫校而刊之夫先生之詩與端愍鳧盟隨叔諸集同垂不朽不特一門

之盛抑亦邦邑之光也余非徒以表彰先生之潛德亦欲
後之讀是詩者知所觀感興起云爾

光緒七年正月永年縣知縣江陰夏詒鈺識



耐俗軒詩鈔

卷二

